

**Reiß
mich ab!
Platt ist in!!!**

**Abfrieter
der Heimatvereine
in der Stadt Borken**

Borksken Bruk dör't ganße Jaohr

Utschnitt ut dat Book „Naohlaot up Platt un Hochdüts“ von Prof. Dr. Ludwig Walters

Tratt vör Tratt geht de Tied ehren Gank wieder un Mensken käänn't nich staohn bliewen un gaoh't mät de Tied mät, döar Fröhjaohr, Saommer, Haarwst un Winter. Mär tiedliks mut me ook es sitten gaohn un sik rüsten. Dat bünt so de Stationen up'n Läveweg dör't Joahr. So geht't joahrin, jaohrut. Et kann wisse nich alls so bliewen, es't was. Den blauen Kähl bi de Mannslö un de blauwitte Müske bi de Fraulö ut't Borkske Kaspel süht me jao nich mehr, aber de Lö bünt doch de nämliken blewwen Wat anders laot ik mi nich wies-maken.

Glückselig Niejaohr, dat gäwwe di Gott un wiarde waohr. So fönk me in Borken dat nieje Jaohr an. Mät Niejahrsdag fankt de Kookedage an, de bes hillige Dree Könnige ge döört. Dann güngen fröher de Knechte un de Maide de well süs in Arbeit Stünnen naoh't Äöllershus, üm te kooken, dat hett,

Worterklärungen

Tratt - Schritt, Harwst - Herbst, tiedliks—zu dem Zeitpunkt, sitten gaohn—hinsetzen, blau Kählken - blauer Arbeitittel, blauwitte Müske - blauweiße Mütze, de Nämlikke—die Gleiche, Maide - Mägde, Äöllershus—Elternhaus, Niejaohrkooken - Eiskuchen



üm te fiern un in de Famillige sik te fröin. Schön was dat doch. Dat was ook de Tied, waor äöwwerall, de Niejaohrskooken backt waodden. De waodden undern lägen Häird under`n Bosem in`n Holtfuer backt. Klapp, klapp! der was de wiär eene ferdig un waodde upprullt un wat smaaken de Rüllekes läcker Jao, dat büng de läckre Iserkooken. Hier un doar mach naoch wall son moi Kookenisen bi andere andere Prüllen up`n Balken staohn met Bellerkes un Blömkes up de Platten aber up de niemodske Kookmaschine bünt de nich te gebrucken.



Denn vedden Köanning

De Hilligen Dree Köanninge wassen erst veer.
Denn vedden Köanning kennt vandage nümms mehr.
Denn Vedden was fuhl, woll nich wiet loopen,
he was ook te wies, üm `n Geschenk te koopn.
„Ik koop doch nich Gold, noch Wihrook, noch Myrrhe,
alls te düer, ik bün doch nich irre.“

Un as se keemen in de Wüste,
an een Gasthus direkt an `ne Wüstenpiste.
sagg he to de annern: „Ik bliew noch wat hier,
de hebbt gewiss hier een leckeret Bier.“

He heff alles Geld verspöallt - versoappen - ,
däh sik met annere Gäste rümklappen,
bes man em heff in de Wüste `ejagd,
wo he nou rüm irrt Dag un Nacht.

De anneren Köanninge hebbt dat Christkind `esehn
in eenen Stall achter een Gasthus in Bethlehem.
Dat Gasthus lag doar. Doar midden in de Wüste,
wo wall? Et lagg an `ne Wüstenpiste.

Unbekannter Übermittler

Aufgrund der aktuellen Entwicklung in Sachen Corona haben die Heimatvereine alle Veranstaltungen abgesagt, oder bis auf weiteres verschoben.